



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XXXV. De paralytico.

urn:nbn:de:hbz:466:1-41527

C A P V T X X X I V .

*De quodam cui mandibula dimota
erat.*

Vadam vice incerto casu cuidam accidit, ut disso-
ciatis ab inuicem naturalibus instrumentis, man-
dibula loco suo dimota, & oris impediret offi-
cium, & naturalem humani decoris compositio-
nen deformaret. Doloris, & deformitatis accedebat molestia,
quam perpendere in alio commode valebimus, si ad nostri
corporis infirmitatem animo * recurramus. Talibus circum-
uentus incommodis clamauit ad Dominum, & diuinæ pietra-
tis obnixius implorauit auxilium.. Vt ergo opera Dei mani-
festarentur in illo, multis assistentibus, & evidentibus, ad tum-
bam beati viri accessit, & capite super imposito, tam diu pre-
cibus institut, quo ad vsque per merita serui Dei sanitatem,
quam desiderabat, accepit. Quid enim? Necessarium enim est,
vt, qui Domino vniuersæ creaturæ obediunt, illis creatura o-
mnis certis legibus rationis per omnipotentis Dei virtutem
obediat.

C A P V T X X X V .

De paralytico.

Tem alio tempore contigisse in veritate audiui-
mus, vt quidam à paralyti vsq; adeò vexaretur, vt
exinde usum brachij perdidisset: nutu diuino ad-
monitus est, vt ad sepulturam sancti corporis ac-
cederet; & prostratus in oratione Dei omnipotentis miseri-
cordiam per beatissimi viri ibidem requiescentis merita in-
nocaret. Toto itaq; corpore prostratus, orationibus incubuit.
Quid ergo? Christus filius Dei, qui super terram gradiens
manum aridam habentem sanauit; idem nunc sedens ad dex-
teram Patris, eodem innouato miraculo, per merita dilecti
fui, supplicem istum liberavit. Sanus equidem ab oratione
G surrexit,

surrexit, & DEVM propitiatorem in commemoratione sancti sui glorificauit. Clamor ad cœlum attollitur & cum debita gratiarum actione hymnus gloriae omnipotenti D^EO ab uniuersis assidentibus decantatur.

C A P V T XXXVI.

De Caco.

Dies rogationum, & in ijs publica proceſſio.

Hoc quoq; successoribus nostris indicare curauimus, quod in diebus Rogationum ad sepulcrum prædicti Confessoris contigisse veraciter cognovimus. Quidam enim sacerdos cum populo suæ procurationi commissio in diebus Rogationum crucem cum hymnis & canticis ad Monasterium scilicet sancti Petri, & S. Georgij deferebat: cum quo quidam cæcus, alterius manu ductus, veniebat. Is cum ad sepulcrum Confessoris Christi venisset, ex toto corde suo rogauit sanctum HEINRICUM, ut per eius interuentum, restitueretur ei lumen oculorum. Cumque diu precibus & lacrymis pulsaret ad ostium pij Confessoris, cunctis videntibus & in laudem Dei acclamantibus, redditus est ei visus per gratiam omnipotentis. Et mirum in modum, qui alterius manu ductus Crucem Domini secutus fuerat cæcus, modò propriis manibus Crucem ferens cum laudibus Christi, populo domum redecenti ductum præbuit illuminatus.

C A P V T XXXVII.

De Languido.

Aliud quoque diuinæ virtutis miraculum celebri commemoratione, & certa fide cognitū est. Erat quidam languidus ipsa in ciuitate omnibus cognitus, cuius inferiora omnia à lumbis & infra omnia præmortua fuerunt adeò vt nec pedibus solo niti valeret, sed instrumento cuidam rotulis quatuor coaptato pendulus inhærebat, suiq; corporis molem manibus propriis pro possibilitate artificis volutabat. Idem loculū sanctissimi corporis frequentius visitare solebat: & per Dei misericordiam

ad